



**RESOLUCIÓN do conselleiro de Sanidade, de concesión directa dunha axuda de carácter extraordinario para o Proxecto de implementación e visibilidade "Lua fala do Lupus", a beneficio da Asociación Galega de Lupus (AGAL).**

**Antecedentes:**

**I.-** A Asociación Galega de Lupus (AGAL) solicitou a colaboración e apoio da Consellería de Sanidade para o Proxecto de implementación e visibilidade "Lua fala do Lupus".

**II.-** Trátase dun proxecto que ten como finalidade promover o coñecemento do conto "Lúa fala do Lupus" como ferramenta de comprensión do Lupus no ámbito educativo e social mediante accións de visibilidade audiovisual e difusión pública.

O proxecto ten como obxectivo desenvolver obradoiros de lectura e comprensión do conto nos centros participantes, favorecendo a reflexión e a empatía coas persoas afectadas; potenciar a visibilidade mediante o traballo audiovisual e comunicativo da profesional de comunicación da Asociación e fomentar a participación comunitaria con pezas audiovisuais que reforcen o compromiso coa diversidade e a inclusión.

**III.-** A iniciativa exclúe a obtención dun beneficio económico.

A Asociación Galega de Lupus (AGAL) é unha entidade sen ánimo de lucro que destinará o importe da axuda á cobertura do custo da implementación do proxecto.

**IV.-** O artigo 32 da Lei 8/2008, do 10 de xullo, de saúde de Galicia, contempla entre os principios reitores do Sistema Público de Saúde de Galicia a promoción do interese individual, familiar e social pola saúde e o Sistema Público de Saúde de Galicia, potenciando a solidariedade e a educación sanitaria.

**V.-** A Consellería de Sanidade, unha vez recibida a petición expresa da Asociación, iniciou os trámites necesarios para darlle apoio e resposta.

Por tal motivo, cómpre proceder á cobertura de dita necesidade, mediante unha axuda directa por razóns de interese público, ao abeiro do artigo 40 do Decreto 11/2009, de 8 de xaneiro, polo que se aproba o Regulamento da Lei 9/2007, de 13 de xuño, de subvencións de Galicia.



O artigo 19.4.c) da Lei 9/2007, de 13 de xuño, de subvencións de Galicia, establece que estas axudas concederanse, con carácter excepcional, por razóns de interese público, social, económico ou humanitario, ou outras xustificadas que dificulten a súa convocatoria pública.

A tal efecto cómpre indicar que a Asociación Galega de Lupus (AGAL) naceu en 1997 na provincia da Coruña, declarada de utilidade pública e inscrita no rexistro único de Entidades Prestadoras de Servizos Sociais co número de rexistro E6949, desempeña un papel fundamental na mellora das condicións de vida das persoas con Lupus e a súa contorna en Galicia. Dende a Asociación traballan para promover e coordinar accións destinadas a mellorar a situación das persoas afectadas: achegarllas información sobre o proceso evolutivo da enfermidade, recursos sociosanitarios, actividades de promoción da autonomía persoal, promoción da investigación, etc.

O Lupus é unha enfermidade sistémica, autoinmune, crónica e inflamatoria, con unha gran variedade de expresión clínica e caracterizada pola posible afectación de múltiples órganos e sistemas para o cal non existe tratamento e que afecta a máis de 5.500 persoas en Galicia.

1 de cada 5 Lupus debuta en idade pediátrica, polo que a visibilidade do conto resulta fundamental, en especial, no caso de que unha crianza padeza a enfermidade e tamén naquelas familias onde un dos proxenitores teña Lupus, xa que se propón como unha fórmula para expoñer e comunicar a enfermidade dunha maneira sinxela.

Por tanto, a iniciativa solidaria da Asociación Galega de Lupus (AGAL) conta co apoio e respaldo da Administración, pois apoia unha iniciativa social, que visibiliza a enfermidade e transmite unha idea de esperanza e apoio ás persoas e familias que a sofren.

Esta iniciativa pode enmarcarse na Estratexia Galega de Saúde 2030, concretamente no obxectivo estratéxico: *"Impulsar un modelo de atención integral baseado na prevención e a proactividade"*.

### **Consideracións legais e técnicas:**

**Primeira.-** De conformidade co Decreto 144/2024, de 20 de maio, polo que se establece a estrutura orgánica da Consellería de Sanidade, esta é o órgano da





Administración autonómica responsable da superior dirección e control da execución da política da Xunta de Galicia en materia de saúde, planificación e asistencia sanitaria e farmacéutica, así como do exercicio das competencias da Xunta de Galicia para asegurar á cidadanía o dereito á protección da saúde.

Está adscrito á Consellería de Sanidade o Servizo Galego de Saúde, organismo autónomo de carácter administrativo creado pola Lei 1/1989, do 2 de xaneiro, que se configura como un organismo autónomo de natureza administrativa, dotado de personalidade xurídica propia e plena capacidade para o cumprimento dos seus fins, desenvolvendo as competencias que no ámbito sanitario corresponden á Comunidade Autónoma de Galicia.

No exercicio das ditas competencias, a Consellería de Sanidade asumirá a concesión e pagamento á Asociación Galega de Lupus dunha axuda extraordinaria outorgada para o Proxecto de implementación e visibilidade "Lua fala do Lupus", mediante unha axuda directa por razóns de interese público, ao abeiro do artigo 40 do Decreto 11/2009, de 8 de xaneiro, polo que se aproba o Regulamento da Lei 9/2007, de 13 de xuño, de subvencións de Galicia.

**Segunda.-** A presente resolución rexeráse por:

- A Lei 9/2007, de 13 de xuño, de subvencións de Galicia, e o Decreto 11/2009, de 8 de xaneiro, polo que se aproba o seu Regulamento.
- Os preceptos de carácter básico da Lei 38/2003, de 17 de novembro, xeral de subvencións, e do Real decreto 887/2006, de 21 de xullo, polo que se aproba o Regulamento de dita lei.
- A Lei 39/2015, de 1 de outubro, do procedemento administrativo común das administracións públicas.

**Terceira.-** O artigo 26 da Lei 9/2007, de 13 de xuño, contempla un procedemento de concesión directa de subvencións.

No parágrafo segundo sinala que "As propostas de acordo ou resolución de concesión, ou o instrumento do convenio que se autorice a subscribir, deberán axustarse ás previsións incluídas na presente lei, salvo no que afecte á aplicación dos principios de publicidade e concorrência, e conterán, como mínimo, os seguintes extremos:





- a) Definición do obxecto das subvencións, con indicación do carácter singular delas e as razóns que acreditan o interese público, social, económico ou humanitario e aquelas que xustifican a dificultade da súa convocatoria pública.
- b) Réxime xurídico aplicable.
- c) Beneficiario/s e modalidade de axuda.
- d) Réxime de xustificación da aplicación dada ás subvencións polos beneficiarios e, no seu caso, entidades colaboradoras."

**Cuarta.-** O Decreto 11/2009, de 8 de xaneiro, polo que se aproba o Regulamento da Lei 9/2007, de 13 de xuño, desenvolve a previsión contida no antedito artigo 26 e no artigo 36 dispón, *"Poderán concederse de forma directa as seguintes subvencións... c) Con carácter excepcional, aqueloutras subvencións nas que se acrediten razóns de interese público, social, económico ou humanitario, ou outras debidamente xustificadas que dificulten a súa convocatoria pública."*

O artigo 40 do dito decreto dispón, con relación ás subvencións de concesión directa en que se acrediten razóns de interese público, social, económico ou humanitario, ou outras debidamente xustificadas que dificulten a súa convocatoria pública, o seguinte:

1. A concesión directa de subvencións nas que se acrediten razóns de interese público, social, económico ou humanitario, ou outras debidamente xustificadas que dificulten a súa convocatoria pública, poderá instrumentarse a través de resolución ou convenio que, en todo caso, deberán axustarse ás previsións contidas na Lei de subvencións de Galicia, salvo no que afecte á aplicación dos principios de publicidade e concorrência, e conterán, como mínimo, os seguintes extremos:

- a) Definición do obxecto das subvencións, con indicación do seu carácter singular e as razóns que acreditan o interese público, social, económico ou humanitario ou aquelas que xustifican a dificultade da súa convocatoria pública.
- b) Beneficiarios e modalidades de axuda.
- c) Crédito orzamentario ao que se lle imputa o gasto e a contía da subvención individualizada, no seu caso, para cada beneficiario, se fosen varios.
- d) Compatibilidade ou incompatibilidade con outras subvencións, axudas, ingresos ou recursos para a mesma finalidade, procedentes de calquera Administración ou entes públicos ou privados, nacionais, da Unión Europea ou de organismos internacionais.
- e) Prazos e modos de pagamento da subvención, posibilidade de efectuar pagamentos anticipados e aboamentos á conta, así como o réxime de garantías que, de acordo co disposto neste regulamento, deberán aportar os beneficiarios.





- f) Prazo e forma da xustificación por parte do beneficiario e, no seu caso, da entidade colaboradora do cumprimento da finalidade para a cal se concedeu a subvención e da aplicación dos fondos percibidos.
- g) Obriga de reintegro, total ou parcial, da subvención ou da axuda pública percibida no suposto de incumprimento de condicións establecidas para a súa concesión.
- h) Obriga do beneficiario de facilitar toda a información que lle sexa requirida pola Intervención Xeral da Comunidade Autónoma, o Tribunal de Contas e o Consello de Contas no exercicio das súas funcións de fiscalización e control do destino das subvencións.

2. O expediente incluirá, como mínimo, os seguintes documentos:

- a) Unha memoria, na cal se xustifique claramente e de xeito detallado, as razóns que acrediten o interese público, social, económico ou humanitario, ou outras que xustifiquen a dificultade da súa convocatoria pública e o seu carácter excepcional.
- b) Os informes previstos no artigo 18º.2 do presente regulamento (Asesoría xurídica xeral e Intervención Xeral da Comunidade Autónoma de Galicia). Con todo, estes informes non se exixirán ás subvencións que se concedan mediante resolución e que non superen as contías ás que se refire o punto 4 deste artigo.
- c) A proposta de acordo ou resolución de concesión, ou o instrumento do convenio que autorice a subscribir.

3. Cando a subvención sexa concedida mediante convenio e o importe sexa superior a 150.000 euros ou teña carácter plurianual, a aprobación do convenio requirirá a autorización previa do Consello da Xunta de Galicia.

4. Cando a subvención sexa concedida mediante resolución e a súa contía supere o importe de 6.010 euros por beneficiario e ano, ou as concedidas por cada departamento da Administración autonómica excedan globalmente de 60.100 euros no exercicio, a aprobación da resolución requirirá a autorización previa do Consello da Xunta de Galicia. Os importes anteriores elevaranse a 12.000 euros e 120.300 euros, respectivamente, para o servizo correspondente á Secretaría Xeral da Presidencia.

Vistos a Lei de 38/2003, de 17 de novembro, a Lei 9/2007, de 13 de xuño, e o Decreto 11/2009, de 8 de xaneiro, e de conformidade coas competencias que me atribúe o artigo 34 da Lei 1/1983, de 22 de febreiro, reguladora da Xunta e da súa Presidencia,





## **RESOLVO:**

### **Primeiro. Obxecto e finalidade da axuda concedida**

Esta resolución ten por obxecto a concesión directa dunha axuda, de carácter extraordinario, á Asociación Galega de Lupus, AGAL, (CIF G-15614084) destinada ao Proxecto de implementación e visibilidade "Lua fala do Lupus", mediante unha axuda directa por razóns de interese público, ao abeiro do artigo 40 do Decreto 11/2009, de 8 de xaneiro, polo que se aproba o Regulamento da Lei 9/2007, de 13 de xuño, de subvencións de Galicia.

### **Segundo. Procedemento de concesión desta axuda.**

O procedemento de concesión desta axuda quedará suxeito ás previsións contidas no artigo 26 da Lei 9/2007, de 13 de xuño, de subvencións de Galicia, e no artigo 40 do Decreto 11/2009, de 8 de xaneiro, polo que se aproba o seu Regulamento.

### **Terceiro. Compatibilidade con outras modalidades de axudas.**

Esta axuda é compatible coa percepción doutras subvencións, axudas, ingresos ou recursos para a mesma finalidade procedentes de calquera Administración ou entes públicos ou privados, nacionais ou internacionais, das que puidese beneficiarse o destinatario da axuda, sempre que non superen o importe global do importe facturado.

### **Cuarto. Crédito orzamentario.**

Esta axuda farase efectiva con cargo á aplicación orzamentaria 1201.411A.481.1, código de proxecto 2022 00107, do orzamento de gastos da Consellería de Sanidade para o ano 2026, por importe de **seis mil euros (6.000€)**.

### **Quinto. Beneficiario e contía da axuda**

Será beneficiaria da axuda, por importe de 6.000 € a Asociación Galega de Lupus, AGAL, (CIF G-15614084) que a destinará ao Proxecto de implementación e visibilidade "Lua fala do Lupus".

A tal efecto, a entidade beneficiaria presentou un orzamento de gasto previsto por importe total de 11.890 euros (IVE incluído).





## **Sexto. Documentación**

A entidade beneficiaria deberá entregar a seguinte documentación:

- Declaración responsable da percepción, no seu caso, doutras axudas para o mesmo proxecto.
- Declaración responsable de non estar incurso en ningunha das prohibicións para a obtención de subvencións contempladas no artigo 10 da Lei 9/2007, de 13 de xuño, e do cumprimento das obrigas previstas no artigo 11 da mesma lei.
- Certificación de estar ao corrente, no seu caso, das obrigas tributarias e fronte á Seguridade Social, así como non ter pendente de pago ningunha outra débeda coa Administración Pública da Comunidade Autónoma de Galicia, cando así o estableza a normativa vixente.

## **Sétimo. Pagamento e xustificación**

O pagamento da axuda de carácter extraordinario realizarase contra a presentación dos xustificantes de gasto (facturas abonadas) polo importe do custo da actividade.

Os gastos se acreditaranse mediante facturas e demais documentos de valor probatorio equivalente con validez no tráfico xurídico mercantil ou con eficacia administrativa.

A acreditación dos gastos tamén poderá efectuarse mediante facturas electrónicas, sempre que cumpran os requisitos exixidos para a súa aceptación no ámbito tributario.

Non se require doutra xustificación ao estar amparada esta axuda polo establecido no artigo 28.9 da Lei 9/2007, ao ser concedida en atención á concorrencia dunha situación determinada.

A documentación xustificativa presentarase dentro dos 3 meses seguintes á realización das actividades do Proxecto e, en todo caso antes do 15.12.2026, a través da sede electrónica e dirixida á Secretaría Xeral Técnica da Consellería de Sanidade.

## **Oitavo. Reintegro**

Procederá a obriga de reintegro, total ou parcial, da subvención no suposto de incumprimento das condicións establecidas para a súa concesión e segundo o disposto nos artigos 32 e 33 da Lei 9/2007, de 13 de xuño.





## **Noveno. Renuncia**

A subvención enténdese aceptada tacitamente. No caso de renuncia, o beneficiario deberá comunicalo á Consellería de Sanidade no prazo de dez días naturais, contados a partir do día seguinte ao da publicación da resolución da concesión.

## **Décimo. Control e verificación**

A axuda concedida en virtude desta resolución estará sometida á función interventora e de control financeiro exercida pola Intervención Xeral da Comunidade Autónoma, nos termos que establece o título III da Lei 9/2007, de 13 de xuño, e a súa normativa de desenvolvemento, e ás actuacións de comprobación previstas na lexislación do Tribunal de Contas e do Consello de Contas, polo que a persoa beneficiaria vén obrigada a facilitar toda a información que lle sexa requirida por estes no exercicio das súas funcións de fiscalización e control do destino das axudas.

## **Décimo primeiro. Impugnación**

Contra esta resolución, que pon fin á vía administrativa, pode interpoñerse recurso potestativo de reposición no prazo e nos termos previstos nos artigos 123 e 124 da Lei 39/2015, de 1 de outubro, do procedemento administrativo común das administracións públicas, ou ben directamente recurso contencioso-administrativo no prazo de dous meses, nos termos previstos na Lei 29/1998, de 13 de xullo, reguladora da xurisdición contencioso-administrativa.

Santiago de Compostela, na data da sinatura electrónica

O conselleiro de Sanidade

Antonio Gómez Caamaño

